

## Naqqiut

Aalajangiiffigisassatut siunnersuut 9. august 2023-imeersoq taarserpaa  
(Naalakkersuisup taaguutaata allangortinneqarnera suliarineqarpoq)

Matumuuna Inatsisartut suleriaasianni § 33 malillugu aalajangiiffigisassatut siunnersuut imaattoq Naalakkersuisut saqqummiuppaat:

**Kalaallit Nunaanni pinerluttulerinermik inatsisip aamma Kalaallit Nunaanni eqqartuussisarnermik inatsisip allangortinneqarnerat pillugit inatsisissatut siunnersuutip (Digitaliusumik innarliisarnerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsaarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atornerluineri il.il.) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut**

(Inuutissarsiortermit, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

### **Tunngavilersuut**

Kalaallit Nunaanni qallunaat akisussaaffigalugit suliassaqarfiisa ineriartortinneqarnissaat pillugit naalakkersuisut namminersorlutillu oqartussat suliaqarneranut ilaatillugu inatsisissatut siunnersuut suliarineqarpoq aamma kinguaassiuutitigut innarliinerit akiorniarlugit suliniutit patajaallisaavigineqarnissaannik siunertaqarluni, matumani digitaliusumik innarliinernit akiorniarneqarneri ilanngullugit.

Siunnersuut imaalilluni asseqanngilaq, tassa qallunaat pillaasarnermik inatsisaanni aalajangersakkat akuersissutigineqaaqqammersut, taama tulleriillutik, 2022-imi 2023-imilu akuersissutigineqartut, ilanngunneqarnissaat siunnersuutigineqarmat. Naak aalajangersagaq taamaattoq piffissami tassani qallunaat eqqartuussisarnermik inatsisaanni suli nassaassanngikkaluartoq, Naalakkersuisut 2022-imut pingaarnersiuinermi ilaatigut digitaliusumik isumapiloqarneq tunngavigalugu tatiginnilersitsiniaaneq, grooming, pillugu pinerluttulerinermi inatsimmi aalajangersakkamik ilanngussisoqarnissaa kissaatigalugu oqaatigereermassuk tamatumunnga pissutaavoq. Pillaasarnermi inatsimmi taamaalilluni digitaliusumik isumapiloqarneq tunngavigalugu tatiginnilersitsiniaaneq, grooming, pillugu

aalajangersagaq Folketingimi aatsaat ulloq 23. maj 2023 akuersissutigineqarpoq, aamma inatsit ukioq manna ulloq 1. juli atuutilerpoq.

Taamaalilluni inatsisissatut siunnersuutikkut pinerluttulerinermi inatsimmi allannguutit assigiinngitsut arfineq marluk, tamarmik kinguaassiuutitigut innarliinernut tunngassuteqartut, ilanngunneqarnissaat aallarnerniarneqarpoq.

Siullertut qulaani taaneqareersutut isumapiloqarneq tunngavigalugu tatiginnilersitsiniaanermik, grooming-imik taasagaat pillugu aalajangersakkamik ilanngussisoqassaaq. Isumapiloqarneq tunngavigalugu tatiginnilersitsiniaaneq, grooming, pisutut inuup, pineqartup kinguaassiuutitigut innarlerneqarnissaa imaluunniit meeqqap inuusuttulluunniit assinik tamataqanngitsunik imaluunniit assinik kinguaassiuutinut tunngassuteqartunik nassiussinissaa siunertaralugu, meeqqamut imaluunniit inuusuttumut tatiginnilernissamik ineriartortitsineratut paasineqassaaq.

Aappaattut pinerluttulerinermi inatsimmi inunnt 18-it inorlugit ukiulinnut, pinerluttuliortup qitornassarisaanik imaluunniit qitornarsiarisaanik imaluunniit ilinniartitassat perorsagassatulluunniit assigisaanilluunniit tatigineqarluni paarisaaanik, kinguaassiuutitigut atassuteqarnermik pinerluttulerinermi inatsisip inerteqquteqarnera annertusiniarneqarpoq, taamaalilluni siunissami aamma kannguttaalliorfiginninneq ilaatinneqalissalluni. Assersuutigalugu siunissami pineqartup ilinniartitsisuata atuartumik kannguttaalliorfiginninnera, ilinniartitsisup taamaaliornermigut eqqartuussisulersuunneqarsinnaajunnaarneranik kinguneqartumik, atuartup akuersissuteqaaqqaarfiginnaassanngilaa.

Pingajuattut pinerluttulerinermi inatsimmi §§ 77-imiit 81 ilanngullugu aalajangersakkat annertusineqarnissaat aallarnerniarneqarpoq, taamaalilluni aalajangersakkat siunissami kinguaassiuutitigut iliuitsit, pinerluttuliortup eqqunngitsuliorfigineqartumut imminut iliuseqartitsineranut tunngassuteqartut, aamma sextortion-imik taaneqartartoq ilaatinneqalissallutik.

Sisamaattut inuup pinerluttuliortumik allaasorinninnera tunngavigalugu inummik atoqatiginninnerata allatulluunniit kinguaassiuutitigut atassuteqarnerata pinngitsaaliinertut pinerluutinngortinneqarnissaa pillugu aalajangersakkamik ilanngussisoqarnissaa aallarnerniarneqarpoq.

Takkua saniatigut tallimaattut pinerluttulerinermi inatsimmi pinngitsaaliineq pillugu aalajangersakkat annertusineqarnissaa, pisup inuup 22-inik ukioqalereersimasup meeqqamik 15-it inorlugit ukiulimmik atoqatiginninnerata imaluunniit allatut kinguaassiuutitigut atassuteqarnerata ilaatinneqalernissaa, aallarnerniarneqarpoq. Pinerluttuliortoq 22-inik ukioqalereersimappat, meeqqamik 15-it inorlugit ukiulimmik atoqateqarneq imaluunniit allatut

kinguaassiuutitigut atassuteqarneq siunissami pinngitsaaliinertut isigineqassasoq, aalajangersakkap kingunerissavaa.

Arferngattut inuup sulinermut, aningaasaqarnermut, katsorsarneqarneqarnermulluunniit imaluunniit paaqqutarineqarnissamut atatillugu pinngitsuuisinnaanngitsup ingasattumik atonerlunneqarnera pillugu pinerluttulerinermi inatsimmi § 78, imm. 2-mi pinerluutinngortitsinermik suliassa qarfiup, upperisarsiornermik aqutsisut atorfirminnik ingasattumik atonerluinerisa ilaatinneqalernissaannut, annertusineqarnissaa aallarnerniarneqarpoq. Upperisarsiornermut aqutsisup aamma taassuma ilagiivini ilaasortap akornanni pinngitsuuisinnaajunnaaqaneq atuutissasoq, aamma pissut taanna upperisarsiornermut aqutsisumit ilaasortamik atoqateqarnissaq imaluunniit allatut kinguaassiuutitigut atassuteqarnissaq anguniarlugu ingasattumik atonerlunneqartoq, aalajangersakkap atorneqarnissaanut piumasaqaataassaaq.

Naggataagut arfineq aappaattut pinerluttulerinermi inatsimmi aalajangersakkani oqaatsit atorneqartut nutarterneqarnissaat aallarnerniarneqarpoq, taamaalilluni ullumikkut “atortussanik pornografiskiusunik” taaguusersuineq siunissami nalinginnaasumik “kinguaassiuutitigut atortussanik” imaluunniit – atortussat inunnut 15-it inorlugit ukiulinnut pineqartillugit – “innarliinermut atortussat”-tut taaneqassallutik.

Aammattaaq eqqartuussisarnermik inatsisip allannngortinneqarnissaa siunnersuutigineqarpoq, taamaalilluni isumapiloqarneq tunngavigalugu tatiginnilersitsiniaaneq, grooming, aamma sextortion pillugit aalajangersakkat nutaat malillugit suliani, eqqartuussisarnermik inatsimmi § 333, imm. 1 malillugu eqqunngitsuliorfigineqartut illersuisumik ivertitsivigineqarnissamik periarfissaqalissapput.

### **Missingiummut Naalackersuisut oqaaseqaataat**

Inatsisinik atuutitsinermit suliassa qarfiup qaffaaffigineqarnissaanik Naalackersuisut kissaateqarnerat tunuliaqutaralugu inatsisissatut siunnersuut manna saqqummiunneqarpoq, taamaalilluni sunniuteqarluartuuniassammat ullumikkumullu naleqquttuuniassammat, aamma taamaalilluni innuttaasut kissaataannut inatsisitigullu naapertuilluartoqarneranik misigisimanerannut pitsaanerpaamik naapertuuttuuniassammat. Aalajangersakkat arlallit qallunaat pillaasarnermik inatsisaanni ilanngunneqarnerisa kingunitsiannuani inatsisissatut siunnersuut manna saqqummiussinnaagamikku Naalackersuisut nunnaarutigaat.

Ineriartornermut malinnaanissaq pingaaruteqartoq Naalackersuisut isumaqarput, taamaalilluni kinguaassiuutitigut innarliinerit suugaluartulluunniit, aamma digitaliusumik innarliinerit, unitsinniassagatsigit. Meeqqat inuusuttullu silarsuaat annertusiartortumik internettikkut ingerlanerujartortillugu, digitaliusumik inuusuttunik “naapitsinissamut” aamma kinaassutsit ilumuunngitsut atorlugit toqqorluni innarliinissamut, pinerluttuliortut piumasaminnik iliorsinnaalersimapput. Kinguaassiuutitigut innarlerneqarsimagunik, aamma tamanna digitaliusumik meeqqanik ussassaarisartumit pisimappat, meeqqat inuusuttullu

innarlerneqarnejq namminnejq pisuussutiginnjisaannaramikkujq, meeqqat inuusuttullu paasissagaat pingaaruteqarpoq.

Inuit taakku, meeqqatsinnik inuusuttatsinnillu atorneerluisut, sunniuteqarluartumik pillarneqarnissaat taamaammata aamma pingaaruteqarpoq.

### **Pisortanut aningaasaqarnikkut allaffissornikkullu sunniutissat**

Inatsissatut siunnersuut politiiunat aamma sumiiffinni unnerluussisussaataasunut 2024-imi 3,3 mio. kr.-inik aamma 2025-imi siumullu 6,6 mio. kr.-inik aningaasartuuteqarnerunermik kinguneqarnissaa naatsorsuutigineqartoq, Inatsiseqarnermut ministereqarfiup paasissutissiissutigaa. Inatsiseqarnermut ministereqarfiup oqartussaasuunat allanut aningaasartuutaanerusussatut naatsorsuutigineqartut sulijq inaarutaasumik aalajangerneqanngillat.

### **Namminersorlutik inuussutissarsiutilinnut aningaasaqarnikkut allaffissornikkullu sunniutissat**

Soqanngilaq.

### **Innuttaasunut aningaasaqarnikkut allaffissornikkullu sunniutissat**

Soqanngilaq.

### **Naligiimmik pineqarnejq**

Pinerluttulerinermi inatsimmi aalajangersagassatut siunnersuutigineqartut anguniagassat ilaannut 16.2-mut inatsissatut siunnersuutip ikorfartuutaanissaa nalilerneqarpoq, tamatuma kingorna naalliutsitsineq, atorneerluineq, inuit niuerutigineqarnerat aamma meeqqanut nakuusernerit naalliutsitsinerillu suugaluartulluunniit unitsinneqassallutik. Taamatuttaaq piujuartitsilluni ineriartortitsinermi Naalagaaffiit Peqatigiit nunarsuarmi anguniagaannut »suaaassutsit akornanni naligiissitsineq«-erup naammassineqarnissaanut siunnersuutit ikorfartuutaanissaat ingammik anguniakkat ilaannut 5.2-mut nalilerneqarpoq, matumani kikkut tamarmik tikissinnaasaanni namminerlu inigisani arnanut niviarisiaqqanullu nakuuserarnerit suugaluartulluunniit nungutinneqarnissaat, matumani kinguaassiuutitigut allatigullu atorneerlunneqarnerit ilanngullugit.

### **Tusarniaaneq**

Tusarniaanerup ingerlanneqarnera Inatsiseqarnermut ministereqarfiup suliarisimavaa, tassani kalaallit oqartussaasui attuumassuteqartut ilanngunneqarsimapput. Siunnersuut piffissami 2023-imi ulloq 7. junimiit 5. julimut tusarniutigineqarsimavoq.

### **Ilanngussat**

1. Eqikkaaneq

2. Kalaallit Nunaanni pinerluttulerinermik inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugit inatsisissatut siunnersuut (Digitaliusumik innarliisarnerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsaarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atornerluineri il.il.)
3. Tusarniaanermut nalunaarsuutit oqaasertalersukkat